

Henny Eman:

"Nel Oduber a comete un error mas!!!"



ORANJESTAD (AAN): Repasando e siman cu a pasa den cual e tratamento di presupuesto pa 1999 tabata central den parlamento y gobierno, Minister Presidente Henny Eman a describi e posicion cu e fraccion di MEP a tuma como "un error historico mas".

Riba esaki, Minister Presidente Henny Eman a declara: "Siman cu a pasa tabata un siman cu a pone Pueblo mira bon cla kico e mentalidad di MEP y muy en particular su lider sr. Nel Oduber ta. Pa motibonan cu nunca nan lo por splica nos comunidad e fraccion di MEP a bandona e reunion publico di Staten cu tabata tratando e presupuesto pa aña 1999 y nan no a bolbe mas. E reunion aki ta esun di mas importante den henter aña. Y e biaha aki e ta tambe un reunion cu ta decisivo pa futuro di nos pais ariba tereno di finanzas."

PRESUPUESTO BASE DI MANEHO DI PAIS: Minister Presidente Eman a muestra cu tratamento di presupuesto di gobierno tin un importancia extraordinario den trabao di parlamento y ta net akinan oposicion a nenga di haci nan trabao.

Minister Presidente Eman a sigui bisa: "E tratamento di e presupuesto den parlamento ta e momentonan mas crucial den e bida di un pais cu un sistema democratico parlamentario. Den e reunion di Staten cu ta trata e placa di nos pueblo ta e caminda cu oposicion tin e obligacion di vigila y controla e trabaoan di gobierno en coneccion cu e gastamento di placa. Ta hustamente den e reunion aki gobierno tin e deber di duna tur dato cu oposicion puntra y aki ta e oportunidad pa oposicion muestra Pueblo si gobierno ta haciendo su trabao unda no y pakico esaki ta. Ta un acto totalmente incomprendibel cu na momentonan asina henter e fraccion di MEP ta bandona parlamento y no ta cumpli cu e deber cu Pueblo a dune door di a vota pe."

ARGUMENTACION RIDICULO: Minister Presidente Eman a scucha e argumento di oposicion pa a bandona e reunion di presupuesto, pero mester a conclui cu e no ta valido ni corecto. Minister Presidente Eman a declara: "E argumentacion cu nan a

oposicion pa e proximo periodo. Y mas ainda cu nan a comete otro error grandi di defrauda nan votadornan y bandona nan trabao den Staten."

NEL ODUBER Y E SITUACION FINANCIERO: Segun Minister Presidente Henny Eman e realidad di e maneho financiero di Aruba awe y e perspectivanan pa futuro ta loke mas ta mustra e fayonan di e lider di MEP y di su partido: "Awor ta bisto tambe cu sr. Nel Oduber no tabata nada correcto ora e no kier a participa den gobernacion pasobra e situacion financiero tabata asina malo, cu e no kier a tuma responsabilidad pa medidanan severo cu segun su politica ela kere cu mester a worde tuma. Awor cu ta resulta cu tin un 'presupuesto balansa' y cu no tin ningun medida (!), poco poco Sr. Oduber ta bin realisa su pifia grandi. Ta pesey e kier demostra ariba caya y no kier traha den parlamento caminda e ta haya tur e cifranan cu ta dal e asina duro. Si e caso aki no tabata asina serio e lo por ta 'clownesco'. Pero e realidad ta serio. Awor sr. Nel Oduber tin e tarea adicional pa splica esnan cu a demostra hunto cune, ta kico e ta haciendo di berdad. Y ta pakico ela mandanan pa manifeste. Pesey mes nos a mande pa bay haci su trabao den Staten. Pasobra ta aki Pueblo a scohe e y su partidaria pa traha."

E siman aki e tratamento di presupuesto ta sigui den Staten cu e

intencion di finalisa ainda prome cu Pasco.

Entrevista 'live' for di Puerto Rico

ARUBA A DEMOSTRA SU SOLIDARIDAD CU ALEX MANSUR

ORANJESTAD (AAN): E reaccionnan cu a drenta Diasabra atardi via "Show di Poets" na Top 95 FM tabata increible!

E dinamico Eddy Peterson alias "Jan Poets" a viaha pa Puerto Rico pa asina sorprende Alex Mansur cu un plaquette riba su cumpleaños. Como si fuera poco, den oranan di atardi pa como 1 ora y mey, Alex Mansur tabata en vivo via Top 95 FM ta ricibiendo reaccion di oyentenan.

Un cantidad di hende a yame pa asina felicite cu su cumpleaños, y dune tur clase di forza aya na Puerto Rico. Por a tende diferente persona di organizacionnan deportivo cu a yama Top 95 FM pa asina combersa cu Alex na Puerto Rico. Tambe por a tende saludo di Israel Romero di Binomio de Oro, como tambe Vicente Kelly.

Ademas di esaki, durante e Show di Poets por a tende Alex papia pa prome biaha riba e caso cu autoridadnan Mericano tin contra dje y su primo. El a muestra di ta contento di ta gozando di e solidaridad di pueblo Arubano.

Mas den siman, DIARIO lo bin hunto cu "Den Ambiente" cu fotonan di e entrega di plaquette na Alex Mansur na Puerto Rico. E tabata un tremendo sorpresa pa un persona, cu semper bay a sa di respalda Deporte y Cultura di Aruba.